



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
propriarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

González Téllez, Emanuel

Francofurti Ad Moenum, 1690

Capvt XV. Idem P. Subdiacono nostro, Præposito & Capitulo (a) Ebrudun.

[urn:nbn:de:hbz:466:1-74526](https://nbn-resolving.org/urn:nbn:de:hbz:466:1-74526)

(b) *Conventum de Bello.*) Guillelmus Dux Normannorum tria magna monasteria diversis in locis construxit, eaque multis prædiis, variis que donariis ditavit; duo in Anglia, unum eò loci, quò cum Haraldo, Angliæ Rege dimicavit prope Hastigen, quod prælium refertur in gestis Guillelmi, Ducis in *histor. Norman.* fol. 200. pro expiatione animarum militum qui in eò bello occubuerant: quod Cænobium Divo Martino dicavit, appellavitque *Monasterium ad Bellum*, ut simul monumentum paratè tanto bello victoriæ in perpetuum foret, ut refert Polydorus Vergilius in *histor. Angliæ*, fol. 158.

(c) *Marcharum.*) De earum valore in Angliæ regi in cap. 3. de pactis.

(d) *Non tenet.*) Juxta adducta in cap. 2. hoc titulo.

CAPVT XIV.

Idem Abbati, & Conventui monasterii sancti Michaelis de (a) Gasto.

A Ccedens ad Sedem Apostolicam dil. fil. R. clericus, suâ nobis insinuatione monstravit, quod cum promiseritis vos provisuros eidem in ecclesiastico beneficio, cum possetis, sicut per litteras Decani Sueffion. & suorum judicium super hoc à Sede Ap. delegatorum, quibus tenor litterarum vestræ promissionis erat insertus, liquidò edocebat, vos id hæctenus efficere non curastis, allegantes coram iudicibus memoratis quod talis promissio vos nullatenus obligaret, cum videretur esse facta contra statuta Lateranen. Concilii, quod promissionem inhibet beneficii non vacantis. Nos autem considerantes, quod aliud est Prælatum promittere beneficii collationem, cum poterit, aliud cum vacabit, cum in multis casibus se facultas offerre possit, in quibus non esset collatio in expectatione vacaturi beneficii differenda, per Ap. vobis sc. mandamus, quatenus memorato R. competens ecclesiasticum beneficium assignetis, alioquin Abbati sancti Joannis, & Decano Sueffion. damus nostris litteris in mandatis, ut vos ad id per censuras ecclesiasticas appellatione remota compellant.

NOTÆ.

(a) *Gasto.*) In quarta collectione, sub hoc tit. cap. 1. ita legitur; in hac sexta collectione tantum legitur, *Idem*; sed tamen credo legendum esse, *sancti Michaelis de Caranto*; monasterium enim hoc est Ordinis Divi Benedicti ad mare situm, in Pictonibus, juxta flumen Carantonum, totusque ille tractus inundatus fuit; deinde recedente mari, apparuere terræ paulatim, & paludes desiccatae, quæ propter situm commoditatem, ac terræ ubertatem colli, ac frequentati cæperunt. In eo sacellum primò constructum est peregrinationibus, ac religione celebratum, quod postea in amplissimum, & locupletissimum monasterium Divo Michaeli dicatum evasit, ut refert Papirius

Masonius in descriptione Gallia per flumina, fol. 683.

(b) *Cum possetis.*) Olim enim promissio generalis beneficii vacaturi, cum poterit, aut cum vacaret, valebat, quia sæpe permittuntur in genere, quæ in specie non permittuntur, cap. non estimemus 13. quest. 2. l. i. §. qui questionem, 21. ff. de questionibus; & docetur in præfenti decretali, quæ correctæ est per Bonifacium VIII. cap. detestanda, hoc tit. lib. 6. ubi verba illa; licet olim fuisset canonica constitutio decretum, de hac decretali accipit Nicolaus Fabricius de benefice, tit. 8. cap. 1. numer. 65. docent Valentis in parat. ad hunc titulum, cap. 1. Barbosa de potest. Episcopi alleg. 126. Commentarium hujus textus dedi in cap. 1. hoc titulo.

21

CAPVT XV.

Idem P. Subdiacono nostro, Præposito & Capitulo (a) Ebrudum.

POSTULASTIS per Sedem Apostolicam edoceri, ut cum ad vos simul, & Archiepiscopum vestrum donatio præbendarum Ecclesiæ vestræ pertineat, utrum præbendæ vacantis donatio penes Archiep. remaneat, si eam intra semestre tempus neglexeritis ordinare. Ad quod vobis breviter respondemus, quod si vos, & idem Archiepiscopus intra tempus præscriptum negligentis extitistis circa collationem

D. D. Genzal, in Decretal. Tom. III, Pars I,

T 2

vacan-

vacantium præbendarum, sicut nec ab illo ad nos, ita nec à vobis ad illum potestatem transit donatio earundem, sed secundum statuta Lateranen. Concilii, ad superiorem transit donatio earundem, nisi fortè Archiepiscopus, non ut Prælatus, sed ut Canonicus vobiscum habeat jus conferendi, & in hoc casu, cum dolosè forsitan impederit, dolus ei suffragari non debet.

NOTÆ.

1. (a) **E** *Brudun.*] In hac sexta collectione tantum legitur, *idem*; in quarta autem, *sub hoc tit. cap. 2.* ita legitur; sed credo legendum esse Ebrodun. Ebrodunum enim, seu ut alii volunt, Ebrodunum, civitas est in Alpibus maritimis, sita ad Druentiam fluvium, earumque Metropolis civilis dicitur in notitia provinciarum Gallia: à principio Episcopum tantum habuit, ut con-

stat ex Concilio Regiensi *can. 2.* postea tamen Metropolitæ dignitatem obtinuit, ut constat ex Hilario *epist. 4. ad Leontium.* ibi: *Frater, & Coepiscopus noster ingenuus Ebrodunensis, Alpinum maritimarum provincia Metropolitani semper honore subnixus.* Referunt Carolus à sancto Paulo in *geograph. sacra, fol. 145.* Chenu in *chron. Gallia, fol. 508.* Commentarium huius textus dedi in *cap. dilecti, de supplend. negligentia.*

CAPVT IX.

Honorius III. *Episcopo, Præposito, & Cantori (a) Cameracensi.*

Cum dilecta in Christo filia, nobilis mulier (b) Joanna Comitissa Flandrensis, devicta quorundam precibus importunis fecerit promissiones illicitas de non vacantibus beneficiis Ecclesiarum, in quibus jus obtinet patronatus, & donationes eorum in (c) manibus posuerit alienis, sicut est nostris auribus intimatum: disc. v. m. quatenus irritum decernentes quidquid super hoc ab eadem inveneritis esse factum contra instituta canonica, auctoritate nostra inbibeat is eidem, ne similia de cætero attentare (d) præsumat.

NOTÆ.

1. (a) **C** *Ameracensi.*] Ita restituo epigraphen, & integram ex quinta compilatione, edita à Cironio, ubi *sub hoc tit. cap. 1.* reperitur textus hic, De Ecclesia Cameracensi nonnulla notavi in *cap. 19. de rescriptis.*
(b) *Joanna.*] Videlicet Constantinopolitana, Balduini Imperatoris Constantinopolitani filia, quæ patre suo peregrè mortuo, successit in Comitatu Flandriae, anno Christi 1206. cuius prior maritus fuit Ferdinandus filius Regis Portugaliae, quem bello captum Philippus Augustus per decennium detinuit in carcere: posterior fuit Thomas filius Ducis Sabaudia. Ad ipsam, ut Comitissam Flandriae spectabat jus præsentandi in beneficiis ecclesiasticis, ut constat ex *cap. dilecto, de rescriptis, cap. 1. de re iudic. in 3. collect.* referunt Boëtius Epon, *tom. 1. quest. heroic. tit. de Regalibus, Cujacius in cap.,*

hoc tit. & in dilecto, cap. dilecto. Altessera de Ducibus cap. 8.

(c) *In manibus posuerit alienis.*] Hæc verba expressi in *cap. consentus 11, hoc tit.* & an patronus possit constituere procuratorem ad præstandum assensum in beneficiis vacaturis, exponit Lotharius *lib. 2. de re benef. cap. 6. in princip.*

(d) *Præsumat.*] Ad eum enim jus canonicum abhorret promissiones beneficii non vacantis, ut necdum eas à patronis fieri permittat, licet ipsi possint postea variare, & ita nullum jus videatur præsentato quæsitum: & licet possint transferte jus patronatus in alios, *cap. ex litteris, de in re patron.* tamen non valent præsentationem in beneficiis vacaturis alii donare, ut docent congesti à Barbosa in præsentii, quibus addo Boëtium Epon *in repetit. ad hunc textum*, Mancinum *sacri juris controu. cap. 23.* ex ratione adducta in *cap. 2. hoc tit.* ex quo commentario præsens petendum est.

TITVLVS